

DIE XXIII. JANUARI.  
 IN FESTO S. ILDEFONSI,  
 ARCHIEP. TOLET. ET CONFESS.  
 DUP. II. CLAS. CUM OCT.

*Omnia de Comm. Conf. Pontif. præter ea, quæ sequuntur.*

*Oratio, & omnes Lectiones, ut in Codice SS. Hispan.*

*Si hoc Festum occurrat in Dom. Septuag. transfertur in primam diem non impeditam juxta Rubricas Breviarii, & illo anno recitabitur sine Oct.*

*Per totam Oct. S. Ildef. fit de Sanctis occurrent, ut in Brev. cum commem. octavæ, juxta Rubricas generales.*

DIE XXIX. JANUARI.

*vii. die Infraoct. fit de S. Franc. Sales. cum com. oct. S. Ildef. ut in 1. Vesp. & S. Julian. ut in 2. V. Elegit eum.*

*In 2. Vesp. à Cap. fit de die Oct. S. Ildef. ut in 1. Vesp. Festi, cum com. S. Franc. & S. Julian. Aña. Euge. v. Elegit eum.*

*Si dies Oct. S. Ildef. occurrat in Dom. Septuag. vel Sexages. Hodie dicuntur Vesper. integræ de S. Franc. Salesio cum com. Dom. & diei Oct. S. Ildefonsi, & S. Juliani, Aña. & v. vt supra, & seq. die fit de Dom. prædicta, cum com. diei Oct. S. Ildefonsi, & S. Juliani, in Laud. & Vesp.*

DIE XXX. JANUARI.

*In Oct. S. Ildefonsi, dup. Om-*

*nia dicuntur, ut in die Festi, præter Lect. 1. Noct. quæ dicuntur de Script. occurr. & 2. & 3. Noct. quæ dicunt, ut infr.*

*In secundo Nocturno.*

*Sermo Sancti Gregorii Papæ. Part. 2. Pastoralis cap. 1.*

*Lectio iv.*

**T**antum debet actionem populi actio transcendere Præsulis, quantum distare solet à grege vita pastoris. Oportet namque, ut metiri se sollicitè studeat, quanta tenenda rectitudinis necessitate constringitur, sub cujus æstimatione populus grex vocatur. Sic ergo necesse est cogitatione mundus, actione præcipuus, discretus in silentio, utilis in verbo, singulis compassione proximus, præ cunctis contemplatione suspensus, benè agentibus per humilitatem socius, contra delinquentium vitia per zelum justitiæ erectus, internorum curam in exteriorum occupatione non minuens, exteriorum providentiam in internorum sollicitudine non relinquens.

*g. Inveni David servum meum,*

meum, oleo fancto meo unxi eum. \* Manus enim mea auxiliabitur ei. v. Nihil proficiet inimicus in eo, & filius iniquitatis non nocebit ei. Manus.

Part. 2. Paſtoralis c. 9. & 10.

Leſtio v.

**C**ONsiderandum quoque est, quia cum curam populi electus Præſul ſuſcipit, quaſi ad ægrum medicus accedit. Si ergo adhuc in ejus opere paſſiones vivunt, qua præſumptione percuffum mederi præperat, qui in faciè vulnus portat? Ille modis omnibus debet ad exemplum bene vivendi pertrahi, qui cunctis carnis paſſionibus moriens jam ſpiritualiter vivit: qui proſpera mundi poſtponit, qui nulla adverſa pertimeſcit, qui ſola interna deſiderat: cujus intentioni bene cõgruens, nec omninõ per imbecillitatem corpus, nec valdè per cõtumaciam repugnat ſpiritus: qui ad aliena cupienda non ducitur, ſed propria largitur.

¶ Poſui adjutorium ſuper potentem, & exaltavi electum de plebe mea. \* Manus enim mea auxiliabitur ei. v. Inveni David ſervum meum, oleo ſancto meo unxi eum. Manus.

*Ibid. c. 8. vi. Leſtio vi.*  
**V**Nde ipſum quoque Epiſcopatus officium boni

operis expreſſione diffinitur, cum dicitur: Si quis Epiſcopatum deſiderat, bonum opus deſiderat. Ipſe ergo ſibi teſtis eſt, quia Epiſcopatum non appetit, qui non per hunc boni operis miniſterium, ſed honoris gloriam quærit. Sacrum quippe officium non ſolum non diligit omninõ, ſed neſcit qui ad culmen regiminis anhelans in occulta meditatione cogitationis cæterorum ſubjectione paſcitur, laude propria lætatur, ad honorem cor elevat, rerum affluentium abundantia exultat. Mundi ergo lucrum quæritur ſub ejus honoris ſpecie, quo mundi deſtrui lucra debuerant.

¶ Iſte eſt, qui ante Deum magnas virtutes operatus eſt, & omnis terra doctrina ejus repleta eſt. \* Ipſe intercedat pro peccatis omnium populorum. v. Iſte eſt, qui contempſit vitam mundi, & per venit ad cœleſtia regna. Ipſe intercedat. Gloria. Ipſe intercedat.

In tertio Nocturno.

Leſtio S. Evangelii ſecundum Matthæum. c. 5.

Leſtio vii.

**I**N illo tempore: Dixit Jeſus Diſcipulis ſuis: Vos eſtis ſal terræ: quod ſi ſal evanuerit, in quo ſalietur? Et reliqua.

Homilia Sancti Joannis  
Chrysoftomi.

Ex Homil. 15. in Matthæum.

Lectio vii.

**L**uceat lux vestra : hoc est, plurima in vobis sit virtus, ac maximè ingens illius accendatur ignis, & inefabile omninò lumen effulgeat. Quando autem tam magna virtus fuerit & clara, latere non poterit, etiamsi mille illam contegere velit modis ille qui possidet. Bene autem ait, Lumen: nihil est, quod sic hominem faciat insignem, atque conspicuum, etiamsi magno ambitu optet latere, ut splendor iste virtutis. Sicut enim ipso sole circumdatus, ita utique clarus effulget, nec in terram solum modò rutilatus propriae virtutis emittit, sed supra ipsum etiam cœlum proprio fulgore radiabit.

iv. Amavit eum Dominus, & ornavit eum: stolam gloriæ induit eum. \* Et ad portas paradisi coronavit eum. v. Induit eum Dominus lorica m fidei, & ornavit eum. Et ad portas.

Lectio viii.

**H**inc itaque illos uberius consolatur. Et si, inquit, maledicta in vos audientes doletis: habetis tamen plurimos, quos ad amorem, atque

admirationem Dei, vestro adducatis exemplo. Tunc enim multi erunt omninò mirantes non utique vos tantum, sed per vos etiam Patrem vestrū. Nec dixit, Deum, sed Patrem; conferendæ illis nobilitatis prærogativam hoc jam nomine largiendo. Considera, quantum istiusmodi sit commodum, quantum etiam discrimen. Si enim vitis fordeamus, etiamsi nobis nullus obtrechet, erimus omnibus miserriores. Si verò virtutibus splendere curemus, vel si totus mundus cōtra nos maledictis voluerit personare, erimus omnium beatissimi, atque ad nos trahemus omnes, qui venire elegerint ad salutem. Omni quidem tuba documenta sunt operum clariora, vitaque munda, ipsa est luce fulgētiore.

iv. In medio Ecclesiæ aperuit os ejus. \* Et implevit eum Dominus spiritu sapientiæ, & intellectus. v. Jucunditatem, & exultationem thesaurizavit super eum. Et Gloria. Et.

Ex Homil. 16. in Matth. post initium.

Lectio ix.

**N**on veni solvere legem, sed implere. Legem verò non vno tantum, sed altero, & tertio implevit modo. Uno quidem, quia nihil ex legi-

legitimis ipse transgressus est: alio verò, quia per nos quoque id ipsum facit, quod Paulus significando dicebat: Quoniam finis legis Christus ad justitiam omni credenti. Quod enim illa per litteram non potuit, hoc per fidem ipse confecit. Si verò, aliquis diligenter examinet, alium quoque tertium modum impletæ ab eo legis inveniet. Quem verò istum? Ipsa utique præ-

cepta, quæ erat daturtis: non enim interitus priorum, sed augmentum potius, & complementum erant ea, quæ dicebatur à Christo. Illius quippe sententiæ, qua dicitur, Non occides, non interemptio, sed adimpletio magis, atque munificio est, dicere, Non irascaris; omniumque similiter cæterorum. Te Deum.


In Laud. fit com. Oct. S. Iuliani, ut in primis Vesp.

# TOLETANA.

**A**D enixas Archiepiscopi, humillimasque preces Capituli Ecclesie Primatialis Toletanae, aliorumque Capitulorum Ecclesiarum Hispaniæ, pro extensione Officii, & Lectionum propriarum Sancti Ildelfonsi, Archiepiscopi Toletani, ad Ecclesiam Universalem, Sacre Rituum Congregationi porrectas, easque per Eminentissimum, & Reverendissimum Dominum Cardinalem Belluga relatas, Sacra eadem Rituum Congregatio, tam in scriptis, quàm in voce, Reverendissimo Prospero de Lambertinis, Archiepiscopo Theodosiæ, Fidei Promotore, prius audito, supradictum Officium, ab omnibus Sæcularibus, & Regularibus utriusque sexus, qui ad horas Canonicas tenentur in cunctis Regnis, ac Dominis, Serenissimo Hispaniarum Regi Catholico subiectis tantum sub Ritu secundæ classis cum Octava in Festo ipsius Sancti in posterum recitari posse censuit. Et in reliquis respondi dilata; si Sanctissimo Dño. nostro visum fuerit, die 25. Maii 1726.

Factaque deinde per me Secretarium de prædictis SS. Dño. N. relatione, Sanctitas sua benigne annuit, die 24. Junii ejusdem anni 1726.

C. Cardinalis de Marinis Præfectus.

Loco  Sigilli.

N. M. Thedeschi Archiepiscopus Apameus,

Sac. Rit. Congreg. Secret.